

Memoria obbligatoria di S. Stanislao Vescovo e martire

La Sacra Congregazione per i Sacramenti e il Culto Divino ha trasmesso la seguente circolare, prot. CD 660/79 del 29 maggio 1979, indirizzata ai Presidenti delle Conferenze Episcopali nazionali.

SACRA CONGREGATIO PRO SACRAMENTIS ET CULTU DIVINO

E.me Domine,

Summus Pontifex Ioannes Paulus II, occasione oblata noni expleti saeculi ab obitu Sancti Stanislai, Episcopi et Martyris, ad Episcopos et universum populum Dei in Polonia die 8 maii 1979 Epistulam Apostolicam a verbis « Rutilans agmen » incipientem misit, in qua statuitur celebrationem Sancti Stanislai Calendario Romano generali posthac inscribendam esse gradu *memoriae obbligatoriae*, loco memoriae « ad libitum », sicut nunc habetur.

Dum nova haec statuta Tecum communicare placet, sacrum hoc Dicasterium opportunum ducit indicationes nonnullas circa rem praebere, que sequuntur:

1. Novus gradus celebrationis in honorem Sancti Stanislai peragenda nuper statutus ab anno liturgico 1979-1980 proxime venturo omnibus « Ordinibus » pro Missae et Officii divini celebratione inscribendus erit, qui in usum dioecesium et familiarum religiosarum eduntur. Eadem indicatio ponetur in novis libris liturgicis cura Conferentiarum Episcopaliurn in posterum edendis.

2. Novus celebrationis gradus nullam secumfert variationem circa diem, quo ipsa celebratio peragitur, et quoad textus sive Missalis sive Liturgiae Horarum adhibendos, videlicet:

a) dies celebrationi Sancti Stanislai dicatus idem manet, prout in Calendario Romano invenitur, nempe 11 aprilis;

b) textus in Missa et Officio adhibendi iidem manent, qui in Missali Romano et in Liturgia Horarum statuto die inveniuntur.

3. Ubi Sanctus Martyr, ad norman iuris particularis, die vel gradu diverso rite celebratur, et in posterum eodem die ac gradu quo antea celebrabitur.

Nactus occasionem, libenter sensus venerationis meae erga Te pando atque me profiteor

VIRGILIUS NOË
Secr. adiunctus

in Domino add.mum
+ IACOBUS R. CARD. KNOX
Praefectus